



SURUHANJAYA PILIHAN RAYA MALAYSIA

# **KENYATAAN MEDIA**

**BIL. 25 / 2021**

**PENGUNDI PILIHAN RAYA UMUM  
DEWAN UNDANGAN NEGERI (PRU DUN) MELAKA KE-15  
DISERU KELUAR MENGUNDI PADA  
20 NOVEMBER 2021 (SABTU)**

1. Seramai **476,037** orang pengundi biasa daripada **495,195** orang pengundi berdaftar, layak mengundi pada **20 November 2021 (Sabtu)**. Manakala seramai **11,557 orang** adalah pengundi awal dan **7,601 orang** telah mengundi secara pos.
2. Bagi pengundi yang telah mengetahui maklumat pengundian, mereka boleh terus ke saluran mengundi. Pengundi disaran agar membuat semakan lebih awal sebelum hari mengundi melalui saluran-saluran berikut:
  - a. Portal semakan daftar pemilih **<https://pengundi.spr.gov.my>**;
  - b. **Aplikasi MySPR Semak**; atau
  - c. **Hotline SPR di talian 03-8892 7018**.
3. Semasa membuat semakan, pengundi disaran untuk mencatat dan menyimpan maklumat-maklumat berikut:
  - a. pusat mengundi
  - b. saluran mengundi
  - c. nombor bilangan pemilih
4. SPR juga melalui aplikasi MySPR Semak, meletakkan maklumat **Masa Keluar Mengundi Yang Digalakkan** untuk setiap pengundi

dan pengundi dinasihatkan supaya keluar mengundi mengikut masa yang dicadangkan tersebut. Sekiranya pengundi tidak dapat hadir pada masa keluar mengundi yang digalakkan atas sebab-sebab tertentu, pengundi masih boleh keluar mengundi mengikut kelapangan masa dari jam **8.00 pagi hingga 5.30 petang**. Namun demikian, pengundi adalah dinasihatkan untuk tidak keluar mengundi pada saat-saat akhir dan sentiasa mematuhi semua undang-undang, peraturan dan garis panduan pencegahan Covid-19 pada hari mengundi nanti.

5. Pengundi diingatkan supaya membawa **kad pengenalan** dan **catatan maklumat pengundian** serta menunjukkannya kepada Kerani Pengundian Pertama (KP1) di saluran. Catatan maklumat pengundian itu akan memudahkan KP1 untuk membuat semakan nama pengundi serta membantu kelancaran proses pengundian pada hari mengundi.
6. Selain itu, pengundi juga dinasihatkan supaya tidak menyerahkan kad pengenalan mereka kepada pihak lain selain daripada petugas pilihan raya. SPR menyeru kepada semua pengundi supaya keluar menunaikan tanggungjawab mereka sebagai pengundi pada Sabtu ini.

Sekian.

**DATUK IKMALRUDIN ISHAK**

Setiausaha  
Suruhanjaya Pilihan Raya Malaysia  
18 November 2021 / 13 Rabiulakhir 1443H